


Grad Novi Pazar

Skupština Grada Novog Pazara

Predsjednici Skupštine Grada Novog Pazara

Dr. Aneli Šemsović



Na osnovu člana 11 i člana 41 Zakona o lokalnoj samoupravi („Sl. glasnik RS“, br. 129/2007, 83/2014 - dr. zakon, 101/2016 - dr. zakon i 47/2018), člana 109. Poslovnika Skupštine Grada Novog Pazara („Službeni list Grada Novog Pazara“, broj 6/19)

Predmet: Prijedlog dopune Dnevnog reda za drugu sjednicu Skupštine Grada Novog Pazara

Za dopunu dnevnog reda za drugu sjednicu Skupštine Grada Novog Pazara zakazanu za 17.05.2021.godine odbornička grupa "Akademik Muamer Zukorlić - Stranka pravde i pomirenja" predlaže:

1. Prijedlog odluke o formiranju komisije za utvrđivanje materijalne štete i službene i profesionalne odgovornosti uslijed ekspanzije nelegalne gradnje stambeno poslovnih objekata na teritoriji Grada Novog Pazara

U Novom Pazaru

Predsjednik odborničke grupe: Edin Zećirović

17.05.2021. godine u 7:45h

Edin

Izvjestilac, u ime odborničke grupe, odbornik dr Admir Muratović

Napomena: U koliko, prema mišljenju stručne službe Skupštine Grada Novog Pazara, nije ispunjena potrebna forma, da bi prijedlog dopune dnevnog reda bio uvršten u proceduru za usvajanje na prvoj sjednici Skupštine Grada Novog Pazara, zahtijevam od Predsjednice Skupštine blagovremeni odgovor i angažovanje stručnih lica iz službe Gradske uprave Grada Novog Pazara, kako bi se eventualni nedostaci blagovremeno otklonili, a prijedlog ušao u dalju proceduru.

Sve shodno članu 11 i člana 41 Zakona o lokalnoj samoupravi („Sl. glasnik RS“, br. 129/2007, 83/2014 - dr. zakon, 101/2016 - dr. zakon i 47/2018), članu 52. Poslovnika Skupštine Grada Novog Pazara („Službeni list Grada Novog Pazara“, broj 6/19)

PRIJEDLOG

Na osnovu člana 36. Zakona o lokalnoj samoupravi („Sl. glasnik RS“, br. 129/2007, 83/2014 - dr. zakon, 101/2016 - dr. zakon i 47/2018), člana 109. Poslovnika Skupštine Grada Novog Pazara („Službeni list Grada Novog Pazara“, broj 6/19), člana 55. Poslovnika Skupštine Grada Novog Pazara („Službeni list Grada Novog Pazara“, broj 6/19), člana 50. Statuta Grada Novog Pazara („Službeni list Grada Novog Pazara“, broj 6/19), Skupština grada Novog Pazara, na sjednici održanoj 09.09.2020.godine, donosi

ODLUKU

O FORMIRANJU KOMISIJE ZA UTVRĐIVANJE MATERIJALNE ŠTETE I SLUŽBENE I PROFESIONALNE ODGOVORNOSTI USLIJED EKSPANZIJE NELEGALNE GRADNJE STAMBENO POSLOVNIH OBJEKATA NA TERITORIJI GRADA NOVOG PAZARA

Član 1.

Članove komisije delegiraju:

Opozicione odborničke grupe koje učestvuju u radu Skupštine Grada Novog Pazara, po 3 člana

Predstavnici civilnog društva, 3 člana

Mediji, 2 člana

Član 2.

Komisija ima zadatak da:

Utvrđi materijalnu štetu na račun budžeta Grada Novog Pazara nastalu ekspanzijom nelegalne gradnje stambeno poslovnih objekata na teritoriji Grada Novog Pazara u periodu od formiranja lokalne vlasti Grada Novog Pazara avgusta 2020. godine do danas.

Utvrđi službenu i profesionalnu odgovornost lica u okviru institucija, ustanova i preduzeća lokalne samouprave Grada Novog Pazara, koja su svojim neprofesionalnim odnosom ili zloupotrebom službenog položaja i/ili ovlašćenja izazvala i/ili omogućila pojavu ekspanzije nelegalne gradnje stambeno poslovnih objekata na teritoriji Grada Novog Pazara

Član 3.

Predsjednik komisije se bira prostom većinom glasova prisutnih članova komisije

Predsjednik komisije zakazuje sjednice, koordinira i predsjedava radom komisije

Predsjednik komisije izvještava Skupštinu Grada Novog Pazara o radu komisije

Član 4.

Komisija je dužna da svoj rad završi u periodu od tri mjeseca od dana objavljivanja odluke o njenom formiranju u Službenom listu Grada Novog Pazara .

Komisiji prestaje mandat nakon podnošenja izvještaja predsjednika komisije na prvoj sjednici nakon datuma usvajanja izvještaja od strane komisije.

Član 5.

Obavezuju se sve službe, institucije i odgovorna lica u okviru svojih nadležnosti, a koji su u ingerencijama Lokalne samouprave Grada Novog Pazara, da pruže punu podršku u radu komisije, kao i pružanju potrebnih informacija od značaja za utvrđivanje relevantnih činjenica.

Član 6.

Odluku objaviti u „Službenom listu Grada Novog Pazara“

SKUPŠTINA GRADA NOVOG PAZARA

Broj: _____

U Novom Pazaru, _____ 2021. godine

PREDSJEDNICA

Dr. Anela Šemsović
